

আপনি কি দত্তক নিতে চান?

তবে দত্তক নেওয়ার নিয়মগুলি জেনে নিন।

শিশু সন্তান দত্তক নেবার নিয়মাবলী

কোনো ব্যক্তি বা বিবাহিত দম্পতি যারা শিশু দত্তক গ্রহণ করতে ইচ্ছুক নিম্নলিখিত বিষয়গুলি সম্পর্কে ওয়াকিবহাল থাকবেন।

- ১) জন্ম থেকে ১৮ বছর বয়স পর্যন্ত যেকোন পরিত্যক্ত, অনাথ, প্রত্যর্পিত শিশু যাদের শিশু কল্যাণ সমিতি “দত্তকের জন্য আইনত বৈধ” হিসাবে শংসাপত্র দিয়েছেন, এমন সকল শিশুদের যেকোন নিঃসন্তান দম্পতি, একক পিতা/মাতা বা নিজের সন্তান আছে এরূপ দম্পতি দত্তক গ্রহণ করতে পারবেন। কোন একক পিতা কন্যা সন্তান দত্তক নিতে পারবেন না।
- ২) দত্তক নিতে হলে ইচ্ছুক ব্যক্তি বা দম্পতিকে আবশ্যিকভাবে অনলাইনে নিবন্ধিকরণ করতে হবে। ওয়েবসাইট - www.cara.nic.in
- ৩) অনলাইনে আবেদনের সময় প্যানকার্ড, ছবি, বিবাহের শংসাপত্র, বাসস্থানের শংসাপত্র, ডাক্তারের শংসাপত্র, বার্ষিক আয়ের শংসাপত্র, জন্ম তারিখের শংসাপত্র ইত্যাদি দম্পতি/ব্যক্তিকে আপলোড করতে হবে।
- ৪) রাজ্যের বা দেশের যেকোন সরকার অনুমোদিত দত্তক প্রদানকারী সংস্থা থেকে বাসস্থান নির্বিশেষে দত্তক নেওয়া যায়। এ বিষয়ে বিশদ তথ্য পাওয়া যাবে: www.cara.nic.in / www.wbcdwdsw.gov.in
- ৫) দত্তক গ্রহণ করার জন্য মোট খরচ ৫৪০০০ টাকা, এ সংক্রান্ত বিভিন্ন পর্যায়ের খরচগুলি নিম্নরূপ-
 - (ক) সংস্থা দ্বারা গৃহ সমীক্ষার রিপোর্ট তৈরী : ৬,০০০ টাকা
 - (খ) দত্তক প্রক্রিয়া সমাপ্ত হবার পর সংস্থাকে প্রদেয় অর্থ : ৪০,০০০ টাকা
 - (গ) দত্তক পরবর্তী সময়ে ২ বছরে ৪ বার গৃহ পরিদর্শনের জন্য সংস্থাকে প্রদেয় অর্থ : ৮,০০০ টাকা
- ৬) দত্তক গ্রহণ নির্ভর করে সংস্থার দত্তকযোগ্য শিশুর উপস্থিতি এবং আইনি প্রক্রিয়ার উপর। এ বিষয়ে দত্তক নিতে ইচ্ছুক ব্যক্তিবর্গকে ধৈর্য রাখতে হবে এবং সংস্থার সাথে সহযোগিতা করতে হবে।
- ৭) ০-৪ বছর পর্যন্ত শিশু দত্তক নিতে হলে পিতা ও মাতার বয়সের যোগফল হতে হবে সর্বোচ্চ ৯০ বৎসর। একক পিতা/মাতার ক্ষেত্রে সর্বোচ্চ ৪৫ বৎসর। ৪-৮ বছর পর্যন্ত শিশু দত্তক নিতে হলে পিতা ও মাতার বয়সের যোগফল হতে হবে সর্বোচ্চ ১০০ বৎসর এবং একক পিতা/মাতার ক্ষেত্রে ৫০-র বেশী নয়। ৮-১৮ বছর পর্যন্ত শিশু দত্তক নিতে হলে দম্পতির বয়সের যোগফল হতে হবে সর্বোচ্চ ১১০ বৎসর এবং একক পিতা/মাতার ক্ষেত্রে সর্বোচ্চ ৫৫ বৎসর।
- ৮) কোন ব্যক্তি বা দম্পতি কোন সংস্থা থেকে যখন কোন শিশু দত্তক হিসাবে প্রতিপালনের জন্য গ্রহণ করবেন নিম্নলিখিত নথিপত্রগুলি সংস্থার কাছ থেকে সংগ্রহ করবেন-
 - (ক) শিশুর ডাক্তারি পরীক্ষার রিপোর্টের প্রতিলিপি (MER)
 - (খ) শিশুর সমীক্ষার রিপোর্টের প্রতিলিপি (CSR)
 - (গ) প্রতিপালন যত্নের (Foster Care) চুক্তির প্রতিলিপি
 - (ঘ) শিশু কল্যাণ কমিটি কর্তৃক প্রদত্ত ‘দত্তকের জন্য আইনত বৈধ’ শংসাপত্রের প্রতিলিপি
- ৯) উল্লিখিত নিয়মাবলী ব্যতিরেকে অন্য যেকোন পদ্ধতিতে দত্তক গ্রহণ আইনত বৈধ বা স্বীকৃত নয়।
- ১০) শারীরিক ও মানসিক ভাবে সম্পূর্ণ সুস্থ ব্যক্তি/দম্পতি কেবল দত্তক নিতে পারেন।